

DFF – SEEM / BAYAN MEDICAL

Mamlakat:	O'ZBEKISTON
Loyiha ID raqami:	56758
Faoliyat sohasi:	Farmatsevtika mahsulotlari va dori-vositalar ishlab chiqarish
Bildirishnoma turi:	XUSUSIY
Ekologik toifasi:	B
Tasdiqlangan sana:	16 Dekabr 2025
Qaysi bosqichdaligi:	Tadqiqot bosqichida, yakuniy ko'rib chiqish jarayonida
Ingliz tilida e'lon qilingan sana:	17 Dekabr 2025
	Axborot olish imkoniyati to'g'risidagi yo'riqnomaning 1.4.2 (iii) bo'limiga muvofiq: "Direktorlar Kengashi tasdiqlash vakolatini Bank rahbariyatiga topshirgan holatlarda, Bank rahbariyati tomonidan tasdiqlangan loyihalar uchun Loyiha xulosa hujjati (PSD) Bankning a'zo mamlakatiga tegishli e'tirozsiz xabarnoma davri boshida, YTTBni tashkil etuvchi Bitimning 2-sahifasidagi 13-moddasi (iii) bandiga muvofiq oshkor qilinishi lozim".

Loyiha tavsifi

QK Samarkand England Eco-Medical MChJ va Bayan Medical MChJ (birgalikda "Guruh" deb yuritiladi) uchun 20.08 million yevro miqdorigacha kafolatlangan kredit taqdim etish, ushbu mablag' quyidagi maqsadlarga yo'naltiriladi: (i) yangi ishlab chiqarish liniyalarini xarid qilish; (ii) aylanma mablag' ehtiyojlarini qoplash; (iii) balansni qayta tuzish; va (iv) Bayan ishlab chiqarish korxonasini modernizatsiya qilish.

Loyiha maqsadi

Loyiha Guruhga to'g'ridan-to'g'ri moliyalashtirish taqdim etish orqali ichki farmatsevtika savdo balansidagi kamomadni bartaraf etishga qaratilgan bo'lib, bu Guruhga ishlab chiqarish quvvatlarini kengaytirish, mahsulot portfelini diversifikatsiya qilish va sifat standartlarini yaxshilash imkonini beradi.

O'tish davri ta'siri

ETI balli: 65

Raqobatbardosh: Guruh operatsion samaradorlikni oshiradi va Yevropa GMP standartlarini joriy etadi.

Inklyuziv: Loyiha bozorga mos ko'nikmalar va o'quv imkoniyatlariga kirishni kengaytirish hamda inklyuziv biznes siyosatlarini, amaliyotlari yoki standartlarini joriy etish orqali inklyuziv o'tishni rag'batlantiradi.

Mijoz haqida ma'lumot

SAMARKAND ENGLAND ECO-MEDICAL MCHJ

QK Samarkand England Eco-Medical MChJ ("SEEM") va Bayan Medical MChJ (birgalikda "Guruh" deb yuritiladi) O'zbekiston qonunchiligiga muvofiq ro'yxatdan o'tgan bo'lib, mamlakatda farmatsevtika mahsulotlari (IV eritmalar va qattiq shakldagi dori vositalari) ishlab chiqaruvchilardir.

YTTB moliyaviy xulosasi

20,080,000.00 Yevro

Loyihaning umumiy qiymati

20,080,000.00 Yevro

Qo'shimchaliklar (Additionality)

YTTBning qo'shimchaligi (i) mahalliy bozorda mavjud bo'lmagan shartlarda (masalan, uzoq muddat, imtiyozli davr) moliyalashtirishni taqdim etish va (II) strategik qo'llab-quvvatlash va kuchaytirilgan nazorat orqali asosiy xavflarni kamaytirishdan kelib chiqadi.

Ekologik-ijtimoiy xulosa

Loyiha B toifasiga tasniflangan (2024 ESP). Farmatsevtika mahsulotlarini ishlab chiqarish bilan bog'liq ekologik va ijtimoiy xatarlar asosan hududiga xosdir va ularni faoliyat davomida yaxshi amaliyotlarni qo'llash orqali boshqarish mumkin. Atrof-muhit va ijtimoiy tekshiruv (ESDD) ichki tartibda amalga oshirildi va har ikki qarz oluvchilar (SEEM va BAYAN) uchun maxsus tayyorlangan ESDD so'rovnomalarini hamda qo'shimcha savollarga javob berishni o'z ichiga oldi. SEEM kompaniyasi antibiotiklar ishlab chiqarishni rejalashtirayotganligi sababli qo'shimcha savol-javoblar o'tkazildi. Tekshiruv natijasida Kompaniyalar atrof-muhit va ijtimoiy talablariga (ESR) rioya qilish uchun yetarli ichki salohiyatga ega ekanligi aniqlandi. Mijozlar o'z ishlab chiqarish korxonalari va omborlarini Yaxshi Ishlab Chiqarish Amaliyoti (GMP) va ISO standartlariga mos E&S boshqaruv tizimlariga ega, jumladan, ISO14001 (energiya), ISO45001 (mehnat salomatligi va xavfsizligi), ISO9001 (sifatni boshqarish tizimi). Har ikkala mijozda xodimlar anonim tarzda murojaat qilishlari mumkin bo'lgan ichki shikoyat mexanizmi hamda tashqi manfaatdor tomonlar uchun shikoyatlarni boshqarish tartibi mavjud.

Har ikkala kompaniya faol farmatsevtik ingredientlar (API) ishlab chiqarmaydi. SEEM antibiotik ishlab chiqarish uchun API import qiladi, biroq kompaniya korporativ yetkazib beruvchilarni audit qilish tartibiga muvofiq tegishli tekshiruvlarni o'tkazadi. Shuningdek, ular chiqindi suv va loyda antibiotik darajasini muntazam nazorat qilishni, xalqaro standartlarga mos zamonaviy tozalash tizimini joriy etishni hamda yozma antibiotiklarni oqilona ishlatish siyosatini ishlab chiqishni rejalashtirmoqda.

Bankning ESR talablariga rioya etilishini ta'minlash maqsadida shartnoma imzolashdan oldin mijoz bilan ESAP kelishib olindi. Unda ekologik va ijtimoiy boshqaruv tizimini saqlash, HR va GBVH bo'yicha muntazam treninglar o'tkazish hamda SEEM uchun yuqorida qayd etilgan antimikrob rezistentlik (AMR) bo'yicha maxsus choralar nazarda tutiladi. Bank Loyiha monitoringini yillik ekologik va ijtimoiy hisobotlarni taqdim etish hamda zarur bo'lsa, joyida tekshiruvlar orqali amalga oshiradi.

Yashil baholash

Loyiha Parij Bitimi bo'yicha moslashuv va yumshatish maqsadlariga muvofiq deb topildi, bu YTTBning to'g'ridan-to'g'ri moliyalashtirilgan investitsiyalar uchun Parijga moslik yondashuvi asosida amalga oshirildi.

YTTB moliyalashtirishining 36.35% foizi yashil moliya sifatida tasniflanadi, chunki u iqlim o'zgarishini yumshatish maqsadlariga erishish faoliyatini qo'llab-quvvatlaydi. Ushbu tasnif "YTTB investitsiyalarining yashil moliya ulushini aniqlash metodologiyasi" bo'yicha qo'llanma asosida amalga oshirilgan.

Texnik ko'mak (TK) va grantlar

TK mablag'lari quyidagilar uchun jalb qilindi: (i) yuridik tekshiruv bilan bog'liq xarajatlarni qisman qoplash uchun Yaponiya–YTTB Hamkorlik Jamg'armasi tomonidan (41,3 ming yevro), (ii) Xalqaro Moliyaviy Hisobot Standartlari (IFRS) bo'yicha auditi – Maxsus Aksiyadorlar Fondidan (39,9 ming yevro).

Kompaniyaning aloqa ma'lumotlari

Dostonbek Bakhromov

d.baxromov@bayanmedical.uz

+998 95 240 9553

<https://www.seem.uz/>

160, Bogishamol Ko'chasi, 100054, Toshkent, O'zbekiston

PSD so'nggi yangilangan sana

16 Dekabr 2025

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#) dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning

xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi fribgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida fribgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan IAP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni

oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi vebsaytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com electron pochta orqali biz bilan bog'lanishingiz mumkin.